

TOK STEAMIES

ISU 75 | EDISON NAMBA 16

WOKABAUT WANTAIM EKSELENS:
MAKIM NUPELA KOS



STEAMSHIPS



OL SAMTING INSAIT

Edita Tok	i
Laipstail Stori	1
Daunim ol Salens long Kamap Antap: Em Strongpela Stori bilong Chew	2
Ol Lain Bilong Yumi	3
Strongim Talen Strateji: Tracy Wafewa osem HR Talent na LRC Menesa	3
Makim Nupela Kos: Xinni Tian – Grup Het bilong Strateji na Trensfoimesen	3
Busgraun na Wara Bilong Yumi	4
Strong yet long painim Gutpela Bihain Taim: Tok Promis bilong Steamships long Wok Senis	4
Tok Klia gut long Wokabaut: Ol Smatpela Solusen bilong Strongim Flit	5
Sastenabiliti i Wok: Ol Grinpela apgred bilong Ela Beach Hotel & Apartments	6
Olgeta drop i gat Namba: Ol Sastenabel Wara Solusen bilong PacTow	7
Sefti Kona	8
Redi long Samting i ken Kamap: Kemikal Spil Rispons Trening long Consort Express Lines	8
Redi long Samting i ken Kamap: Sefti em i bun bilong Fiul Spil Dril bilong EastWest Transport	9
Strongim Sefti: Pacific Palms Property strongim pasin bilong Stap Redi long Paia Birua	10
Luksave long Ekselens: Grand Papua na Gateway Mekim Nem long Wol	11
Ol Projek Bilong Mipela	12
Strongim Sefti Lidasip: Peer Leaders Progreem bilong Steamies	12
Wanpela Bikpela Wokmak bilong Bihain Taim bilong Papua Niugini – Opisal Lonsim bilong Hebamo Transport Limited	13
HSSEQ Grup Hab: Nupela Taim bilong Sefti long Steamships	14
Komyuniti Bilong Mipela	15
Wokabaut Wantaim Saksas: Ol Divine Word Graduet i stap Nau long Steamships	15
Steamships Strongim Tok Promis bilong em long Pasin Kalsa na Komyuniti long namba 51 Hiri Moale Festival.....	16
Groim ol Bihain Taim: Ol Swire Skolasip na Wokabaut bilong Kisim Strong	17
Luksave long 50 Yiar bilong Consort: Wokabaut wantaim Yuniti na Bilip	18
Korporet Nius	21
Bildim Ol Lida: Opim bilong Steamships' 2025 Graduet Developmen Progreem Fremwok	21
Strong i Wok: Selebretim Intanesenel Wimen's De long Steamships	22
Selebretim Gro na Saksas: GDP Graduesen bilong ol lain bilong 2021	24
Raun Raun Nabaut	25
Korporet Kalenda	27
Ol Polisi	28
Wisel Blowa Polisi	28
Sosel Midia Polisi	28



EDITA TOK

Dia Ol Rida,

Welkam long namba wan edisen bilong Tok Steamies bilong 2025, aninit long het tok “Wokabout Wantaim Ekselens: Makim Niupela Kos.”

Nau mipela i kam long niupela yiar pinis, dispela het-tok i makim stret tok-promis bilong mipela long groim ol bipo wok-mak bilong mipela na bihainim niupela kos.

Dispela isiu i selebretim na makim strong bilong yumi, inovesen na dedikesen o bilip bilong yumi long strongim wokabout bilong bisnis. Mipela i kirap wantaim strongpela stori bilong Wei Long Chew, husat i wok 18 yiar wantaim Steamships, na i soim stret pasin bilong bilip na long gro.

Long story bilong Ol Lain Bilong Yumi mipela i tok welkam long ol niupela lida i wok bringim niupela lukluk na luksave long tim bilong mipela. Long Busgraun na Wara Bilong Yumi, mipela i givim stori bilong ol smat flit solusen, ol grin apgred wok long Ela Beach Hotel na Apartments, na tu ol nupela rot bilong sevim wara we PacTow i kamapim. Wanwan long ol dispela stori i strongim mobeta sindaun na bihain taim bilong yumi.

Mipela i amamas long bringim Sefti Kona, wanpela nupela seksen i lukluk long olgeta kain wok sefti long olgeta ol divisen bilong mipela. Long bekim ol kemikal spil hevi, na long ol wok-awenes long paia na ol global setifikesen luksave i soim klia strong bilong yumi long inapim gutpela strongpela wokples.

Long Ol Projek Bilong Mipela, bai yu painim ol stori long ol bikpela wok-kamap olsem Steamies Peer Leaders Progreim, lonsim bilong Hebamo Transport Limited, na sanapim bilong HSSEQ Grup Hab.

Long Komyuniti Bilong Yumi, mipela i selebretim ol Divine Word graduat i joinim tim bilong mipela, wok-luksave mipela i givim long pasin kalsa long Hiri Moale Festival, na lukluk long strong bilong ol Swire Skolasip. Mipela i luksave tu long Consort Express Lines i painim 50 yiar.

Long Koporet Nius, mipela i autim Steamships Graduati Developmen Progreim, na makim Intanesenel Wimens De, na luksave long ol GDP graduat bilong mipela.

Mi askim yupela ol rida long ridim ol stori mipela i bringim kam long yu na luksave long strong bilong wanwan ol dispela stori we i givim strong long bikpela luksave mipela i gat long strongim bisnis bilong yumi. Sapos yumi wok bung wantaim, yumi ken makim niupela kos, na holim strong ol wok bilip i karim mipela i kam inap long mak mipela i stap long en nau.

Mipela tok welkam long wanem kain tingting yu gat, na long autim dispela tingting bilong yu. Bekim bilong yu em i bikpela samting bai mipela i ken luksave na raitim ol stori long ol samting we i ken holim strong Steamies famili bilong yumi.

Sapos yu gat ol stori o poto yu laik serim wantaim mipela, plis salim kam long email: mclem@steamships.com.pg o TokSteamies@steamships.com.pg.

Mi wisim yupela hepi riding, na bai 2025 kamap wanpela yiar i lukim groa, saksen na ekselens bilong yumi olgeta.

Anka Long Toktok,

Meisi Clem
Edita

DAUNIM OL SALENS NA KAMAP ANTAP: EM STRONGPELA STORI BILONG CHEW



Sampela lain i save sindaun tasol na wetim sans long painim ol, na ol arapela i save mekim sans bilong ol yet. Wei Leong Chew, o “Chew” we mipela planti save long en em kain man bilong makim kamap sans bilong em yet. Stori bilong em i soim stret pasin bilong strongim tingting long bungim na daunim ol salens em i bungim long kamap antap. Maski em i ken pinis long midnait bihain long e mi save wok olsem wanpela wok-sumatin, o painim sindaun long kain kain kantri, Chew i wok long tanim olgeta salens long kamap ol sans bilong em long strongim save na wok bilong em.

Stori bilong Chew i kirap long Malesia we, olsem yangpela man, em i luksave olsem i nogat wanpela man bai givim saksas o win long wok mak long em nating. Taim em i bin 17 krismas tasol, em i gat laik long kamap wanpela Setifait Pablik Akaunten (CPA). Bikos em i bungim moni hevi, em i no nap long go yunivesiti. Nogat. Em i wok ful-taim long sapotim famili bilong em na i save skul long nait long kisim CPA bilong em. “Mi save kirap eli, kisim namba wan bas na mi save kisim las bas i kam bek long midnait. Dispela wok mi save mekim olgeta de,” Chew i tingting bek na stori.

Wokabaut bilong em long kamap wanpela CPA i no isi. Chew i ken tingim olgeta salens em i bin bungim: “Bip i nogat pasin bilong hap-kredit o pas; sapos yu feilim wanpela pepa, yu mas kisim olgeta faivpela gen.” Bihain long em i feilim wanpela pepa, Chew i bungim hevi long em i mas stat gen na mekim olgeta faivpela eksam gen. Tasol em i nogat kain tingting long givap. Nogat. Em i go bek na sekim olgeta save em i kisim na long wanem hap em i bin asua long en. Em i no isipela wok. Tasol strongpela tingting na bilip bilong em i karim kaikai. I no long taim, em i holim CPA setifiket long han bilong em. Piksa bilong strongpela bilip na tingting.

Strongpela tingting na pasin bilong Chew i bin strongim wok-laip bilong em. Long Malesia, em i go stap long Saudi Arabia na Cambodia we hevi bilong politiks i kamap trening graun bilong em. Ol straik, ol raiot o bikpela pait na ol ami politiks i suvim Chew i go long ol wok bilong krais menesmen, midiesen, na lidasip, ol kain save we yu no inap kisim long skul. Dispela taim i strongim em long kamap lida, redi long bungim wanem kain salens i painim em na daunim olgeta.

Long 1998 Chew i kam long Papua Niugini na wok olsem Fainens Menesa long SP Brewery. Strongpela wok-pasin bilong em i lukim em i wok strong long niupela wok ples bilong em. Sindaun na bihain taim bilong famili bilong em i save stap oltaim long tingting bilong em. Bihain long faivpela yiar, nupela rot i op long Chew long go long Nu Silan, wanpela kantri em i save driman long lukim wanpela de. Dispela rot i bin bungim planti salens long sait bilong pemanen residens luksave bilong em na em i mekim bikpela disisen tru long laip bilong em long lusim yangpela famili bilong i stap long Nu Silan long inapim driman bilong em, na em yet i kam bek long Papua Niugini long 2007 bai ol i ken sindaun gut.



Dispela bikpela sekrifais em i mekim i makim nupela wokabaut bilong em long kam joinim Steamships Shipping olsem Fainens na Administresen Menesa. Long ol yiar bihain strongpela lidasip pasin bilong Chew i lukim em i holim ol bipela wok, olsem Grup Fainens Menesa na Koporet Peirol na Humen Risos Administresen Menesa, we i lukim em i kamapim planti gutpela samting bilong Steamships.



Nau taim Chew i bin redi long lusim PNG long mun Epril 2025 bihain long em i givim 18 yiar long Steamships. Mipela i tingim pasin bilong em long strongim tingting na bilip. Wok em i mekim bilong kampani em i bikpela tumas, na i lusim lukave bilong lidasip, intekriti o stretpela pasin, pasin poroman na strongpela bilip bilong helpim ol arapela i kamap strong.



Taim em i lukluk bek long wok bilong em long PNG, na moa yet wantaim Steamships, Chew tingim bek ol lain i bin helpim em long groa.

Ol dispela lain em Nigel Yeo, Jeneral Menesa bilong SP Brewery, husat i lainim em long strong bilong balensim wok na famili laip bilong em.



Sean Pelling i bin givim Chew save bilong strateji. Mike Scantlebury em bai tingim oltaim long pasin bilong em long bilip long wok bilong Chew, na pasin bilong em long opim tingting long kainkain luksave. Na las tru, em Rupert Bray, husat Chew i lainim long sotpela rot bilong stretim hevi.

Lukluk i to het, Chew i redi long niupela wokabaut we bai larim em i painim laip driman bilong em long sindaun gut long Nu Silan. Wantaim wanpela Masters long Sociology we em bai kisim klostu, em i redi long go bek long skul na groim save bilong em. Nupela laip bilong em bai lukim senis long wok; na tu, luksave long bilip bilong em olsem 'pasin bilong lainim samting i no save pinis.'

Dispela tingting em Chew i bin serim wantaim sampela ol sumatin bilong Yunivesiti bilong Papua Niugini i skul long Bisnis program. Mipela i bilip strongpela tingting na pasin bilong Chew bai strongim em i go moa yet long niupela wokabaut bilong em.



Mipela givim bikpela tok tenkyu na wisim Chew olgeta gutpela samting na sindaun long bihain taim wokabaut bilong em. Stori bilong em bai stap strong oltaim olsem pasin bilong strongim tingting i ken daunim olgeta kain hevi na salens. Tenkyu Tru Chew, long olgeta samting yu givim long Steamships. Stori bilong yu bai stap strong yet.



OL LAIN BILONG YUMI



Strongim Talen Strateji: Tracy Wafewa olsem HR Talent na LRC Menesa

Wok laip bilong Tracy Wafewa i makim stret bilip bilong em long skul o lainim samting na developmen. Wantaim bekraun long IT na edukesen, em i stap 17 yiar long IEA College of TAFE, we em i muv long wok IT Treina i go kamap Deputi Menesa. Em i painim nupela wok salens na em i joinim Steamships olsem HR Talent na Learning Resource Center (LRC) Menesa, we em i lainim save bilong em long trening na skul dijital wantaim Steamships na misin bilong em long bildim ol bisnis we i ken bildim PNG.

Wok bilong Tracey em long lukautim trening saikol o program bilong Steamships we em i save painim ol nids, disainim ol program, na strongim wok komplaiens na strongim save. Visin bilong en em long developim ol talen we i ken strongim bisnis.

Em i hamamas long karimaut wanpela Learning Management System (LMS) long strongim trening long Steamships. Bilip bilong em long pasin bilong lainim samting i stiaim em long senis long wok-tisa na i kamap long koporet bisnis. Em i bilip long strongim ol wokmanmeri bilong Steamships na kontribut long developmen bilong PNG.

Makim Niupela Kos: Xinni Tian – Grup Het bilong Strateji na Transfomesen

Wok-laip bilong Xinni Tian i bihainim laik bilong em long strateji, transfomesen na bikpela senis. Wantaim moa long 13-pela yiar wok-save long kain kain ol sekta, long pablik polisi na edukesen rifom long halivim ol statap bisnis long groa na senis, Xinni i bringim bikpela wok save i kam long Steamships olsem Grup Hetmeri bilong Strateji na Transfomesen.

Long wok bilong em, em bai lukluk long lainim longpela-taim strateji bilong Steamships wantaim laik bilong em long groa na dabolim bikpela mak bilong bisnis. Xinni bai wok wantaim sinia lidasip long daunim mak bilong wok operesen na kamapim gutpela kaikai. Long Xinni yet tansfomesen em pasin bilong wokbung wantaim, lainim nupela samting na inovesen.

Samting i save kirapim bel bilong Xinni em long gat sans long kontribut long groa bilong Steamships we i abrusim mak bilong bisnis. Em i lukim strateji na transfomesen olsem rot long helpim bisnis na ol wokmanmeri bilong en long gro na sanap strong. “Dispela em i no samting bilong wok bisnis long PNG tasol,” em i tok. “Em i pasin bilong kamapim gutpela senis.”



BUSGRAUN NA WARA BILONG YUMI

STRONG YET LONG PAINIM GUTPELA BIHAIN TAIM: TOK PROMIS BILONG STEAMSHIPS LONG WOK SENIS



Sastenabiliti em i no moa samting bilong wokim o nogat; nau em i wok we yumi olgeta i mas mekim. Olgeta eksen mipela i mekim tude bai senisim bihain taim bilong ples graun na bilong ol lain i bihain long yumi. Long Steamships mipela i luksave olsem ol bisnis i gat bikipela wok long kirapim gutpela senis. Olsem na yumi mas bilip strong long inapim wanpela gutpela wok-mak: bilong lukim yumi nogat wanpela tromoi pipia long olgeta wok bilong mipela pastaim long 2050. I no samting bilong daunim mak bilong kabon bilong yumi. Em samting bilong bildim strongpela bihain taim bilong Papua Niugini.

Bihainim THRIVE sastenabiliti strateji bilong mipela, mipela i lukluk long 5-pela samting: klaimet o sindaun bilong san, win na ren, pipia, wara, pipel na ol komyuniti. Wanwan long ol dispela bikipela astingting samting i makim wanwan bikipela hap bilong wokabaut i go painim moa sastenabel sindaun bihain taim.

Tasol sastenabiliti i no samting bilong busgraun na wara tasol. Em i samting bilong ol manmeri tu. Long Steamships mipela i save strongim luksave long helt, sefti, na gutpela sindaun bilong ol wokmanmeri bilong mipela, we wokples bilong ol i save strongim ol long sindaun gut, kamapim senis na pilim luksave bilong kampani. Mipela i bilip long wankain luksave na bungim wantaim, long opim rot bilong olgeta kain wokmanmeri long strongim ol yet, maski ol meri o man o maski wanem kain ples ol i kam long en.

Long as bilong dispela ol tingting na luksave, em ol komyuniti bilong mipela i stap. Wok mipela mas mekim long bringim veliu long ol pipel na ples mipela i sindaun long en we i luksave na apim strong bilong tumbuna pasin kalsa.

Tok Promis bilong mipela long sastenabiliti i bihainim -pela long ol Satenabel Developmen Gol (SDG) bilong United Nations. Ol dispela wol luksave i givim fremwok bilong ol gutpela bisnis wok we i save strongim sindaun long komyuniti na busgraun na wara. Tasol taim ol bikipela bisnis na gavman i ken karim ol dispela wok, trupela senis i save kamap taim mipela olgeta i mekim wok bilong kamapim senis.

Dispela wokabaut bilong painim gutpela bihain tai mi no bilong mipela tasol long bihainim. Em i nidim wokbung wantaim na tok promis long mekim gutpela wok olgeta de. Taim yumi wokbung wantaim senis yumi ken mekim bai bikipela tru. Long olgeta ol bisnis bilong mipela, wok bilong sastenabiliti em i no driman tasol; em i kamap olsem pasin bilong mipela. Long ol nupela wok-pasin i go inap ol bikipela senis, ol tim bilong mipela i wok painim ol nupela rot long daunim hevi long busgraun na wara, strongim wok sastenabel developmen, na kamapim gutpela senis. Wok i go het i wok long go bikipela nau, na ol stori i stap long soim bikipela wok i kamap long olgeta ol divisen bilong mipela. Yumi go insait na lukim ol rot we mipela i wok kamapim senis.

TOK KLIA GUT LONG WOKABAUT OL SMATPELA SOLUSEN BILONG STRONGIM FLIT



Dispela sip, Papuan Coast em i wanpela susa sip bilong mipela we i yusim dispela piul ekstenda.

Wanwan long ol sip bilong mipela i save sel long ol wara bilong Papua Niugini em i stap mekim wok bilong muvim bisnis, ronim ol saplai sen, na strongim ekonomi bilong kantri.

Tasol wantaim bikpela wok, i gat bikpela risponsibiliti o wok. Consort Express Lines i no nupela long ol salens olsem mak bilong yusim piul, menesim pipia wel (oil), na kostim bilong mekim wok i save stiaim strong bilong flit. Olsem na long dispela yiar, mipela i lukluk long strongim ron bilong flit, i no bilong daunim mak bilong kostim. Tasol olsem tok-promis long wok sastenabiliti na longpela taim ron bilong wok.

Long olgeta wok mipela i mekim long lukim ziro-mak long olgeta wok-bisnis bilong mipela pastaim long 2050, Consort Express Lines i lonsim gen wok bilong em long risaikolim wel na senisim envairomen salens i kamap sans bilong mekim gut wok na strongim sastenabiliti.

Wol siping indastri i save tromoi planti milian tan pipia wel olgeta yiar, na i no save bihainim gutpela rot, na i save kamap birua bilong envairomen o busgraun na wara, bagarapim wara na bagarapim ol solwara abus na ples. Taim mipela i bihainim gutpela rot bilong tromoi pipia, mipela i daunim lekmak bilong mipela long busgraun na wara, na tu, mipela i strongim wok oporesen bilong mipela.

Dispela program em i bikpela samting long bikpela luksave mipela i gat long sanapim 2024 olsem yiar-mak bilong mipela long skelim strong bilong wok mipela i mekim. Setim dispela kain beslain mak i helpim mipela long bihainim wok mipela i mekim olgeta yiar.

Wantaim gutpela rot bilong sekim wok-mak, mipela bai strongim ol wok proses o rot bilong mipela na inapim ol operesen plen mipela i kamapim.

Pasin bilong wokbung wantaim em i stap long as long mekim dispela kamap. Sastenabiliti Developmen tim bilong mipela i wokbung wantaim ol stekholda long lojistiks long sekim moa rot long strongim wok. Bihain long ol i mekim wanpela strongpela teknikal analisis o wok-glasim we Flit Teknikal Menesa Derek Rabie na Consort tim i mekim, mipela i kamapim wanpela rot bilong pulim piul bai em i stap long taim we ol i kamautim long ol pipia wel o oil. Nau ol i yusim dispela long olgeta ol susa sip bilong mipela na em i wok long karim gutpela kaikai. Narapela wok em ol of-lodim klostu 10 kilolita long pipia wel i go long Dunlop long prosesim na dispela i daunim ol piul kostim, na strongim wok bilong envairomen sastenabiliti, o pasin bilong lukautim busgraun na wara.

Flit ifisensi o gutpela ronim bilong flit em i no samting bilong namba tasol. Em i samting bilong strongim wok, painim rot bilong strongim moa yet, na i bihainim driman long mekim senis we bai stap longpela taim. Olgeta wanwan drop wel mipela i stretim bilong yusim gen, olgeta nupela wok, na olgeta wok senis i save bringim mipela kam klostu moa long kamapim gutpela bihain taim.

Taim mipela i lukluk long wokabaut bilong mipela long dispela yiar, tim bilong mipela i sanap strong yet long painim na karimaut ol wok-strongim bai olgeta ron bilong ol sip bilong mipela bai strong moa yet.

SASTENABILITI I WOK OL GRIN APGRED LONG ELA BEACH HOTEL & APARTMENT

Ela Beach Hotel & Apartments i sindaun long sait bilong solwara long Mosbi na i stap longpela taim pinis long hospitaliti indastri long Pot Mosbi.

I no long taim i go pinis, hotel i kirapim wok sastenabiliti program bilong en. Long daunim lekma bilong em long busgraun na wara. Em i go het long daunim dispela, na tu em i strongim yet sevis em i givim long ol ges. Wanpela long o bikpela senis em karimaut em apgredim wok long ol lait bilong em long strongim wok bilong hotel.

Bikpela wok-senis i kamap taim ol i senisim ol olpela sekyuriti lait bilong ol. Dispela ol olpela Progremabel Lait Kontrol (PLC) lam we bipo ol i save wok strong, nau i nogat moa wankain lait olsem i stap long kantri. Luksave long strongim dispela wok i go long bihain taim i lukim ol i senisim ol dispela lait wantaim 260 enej-i-fisen LED lam insait long wanpela wik tasol.

Ol dispela nupela lait, em ol Luceco LED na Philips LED, i strong moa tasol i no save kaikai planti pawa. Ol i gat ol delait swits na ol 24-awa taima olsem na ol i ken wok na i no nidim man long onim ol. I nogat hevi i kamap bihain long ol i sanapim ol dispela lait.

Insait, ol wok-senis i opim-ai stret. Olgeta 92 hotel rum i kisim apgred wantaim ol IP44-ret LED daunlait we i ken ron 50,000 awa olgeta. Ol dispela lait, ol ges yet i ken slekim strong bilong ol, i no save hat tumas, i save strongim sindaun bilong ol rum tu. Dispela senis i suruk i go long restron o rum kaikai, ba, verenda na deli o liklik stua bilong en. Nau yet ol wok apgredim i go het long pokies ples.

Ol dispela senis i daunim mak bilong pawa bil long wanwan mun inap long 500 kilowat-awa we i soim klia strong bilong ol dispela ol senis.

Bihain long ol senis i kamap, Mentenens Menesa, David Hahane i tokaut olsem laspla sikspela mun i lukim pawa bil mak i go daun.

Antap long dispela, ol LED lait em i ken stap longpela taim, na i no nidim bikpela wok mentenens long en, olsem ol olpela lait. Em i klia olsem ol LED lait bai sevim bikpela moni.

Wok-bilip bilong Ela Beach Hotel & Apartments long sastenabiliti i no projek tasol. Em i luksave long strongim hospitaliti. Em i go pas long painim ol nupela klinpela rot bilong wok bisnis na lukautim ol ges bilong ol. Wantaim olgeta wanwan nupela apgred i kamap Ela Beach i wok long laitim rot i go long gutpela bihain taim.

Ela Beach Hotel bihain long ol i instolim ol LED lait



WANPELA DROP WARA EM BIKPELA SAMTING PACTOW'S SUSTAINABLE WATER SOLUTIONS

Insait long wok mipela i mekim long inapim ziro emisin long olgeta ol wok bilong mipela pastain long 2050, Pacific Towing Marine Services (PacTow) i wok long kontribut long dispela bikpela astingting wantaim ol nupela rot bilong sevim wara. Olsem wanpela hap bilong lojistiks divisen bilong Steamships, PacTow i luksave olsem wok bilong skelim na yusim gut ol risos em i no samting bilong komplaiens o wok-bihainim tasol. Nougat. Em i bikpela risponsabiliti. Olgeta wanwan eksen mipela i mekim tude long daunim mak bilong pipia mipela i mekim, i wok strongim gutpela sindaun long bihain taim.



Wara dring masin i stap long tugboat bilong PacTow, Kira.

Wara i gat pinis bilong en, na pasin bilong menesim gut yusim bilong en, em i bikpela wok. PacTow i karimaut sampela ol bikpela wok bilong skelim gut yusim bilong wara antap long ol tag-bot bilong ol long Pot Mosbi. Wanpela bikpela senis em daunim bilong ol wanpela-taim yusim plastik botol, na senisim ol wantaim ol ples bilong dring wara antap long sip. Ol dispela stenles-stil masin bilong dring wara em ol i sanapim long ol ples long bot na ples bilong wok, bai ol kru bilong sip i ken pulapim ol arapela wara botol bilong ol bai ol i nonap yusim tumas ol plastik botol. Nau ol i gat fres wara we i kam long ol wara tenk bilong sip, i bihainim rot bilong klinim gut, na dispela klinpela wara i stap long ples we olgeta wokmanmeri i ken dring long en.

Antap long daunim mak bilong ol plastik botol, PacTow nau i klinim ol laundry operesen o wok bilong klinim na wasim samting bilong ol tag-bot bilong em i stap na wok long Mosbi. Bipo, ol i save mekim londri o wasim kolos antap long sip yet, na dispela i save yusim planti wara. Nau we ol i gat wanpela sentral hap bilong wasim klos long rekriesenal senta bilong ol, mak bilong yusim wara i go daun. Dispela londri ples i gat ol bikpela komesal gred wasing masin na draia, wanwan long ol i ken wasim inap long 15 kilogrem klos. Dispela senis daunim mak bilong yusim wara, na tu, em i rausim hevi bilong londri long wok bilong ol kru long sip.

Long skelim hamas wara ol i yusim, PacTow i instolim ol wara mita long olgeta opis bilong en. Ol dispela mita i save toksave long hamas wara ol i yusim. Dispela kain wok i soim olsem PacTow i yusim gut olgeta samting na i bihainim stret luksave bilong Steamships yet, long lukautim gut olgeta samting.

Lukluk i go het, PacTow bai painim ol nupela rot bilong strongim wok ol i mekim long sevim wara. Long olgeta de wok bilong ol, ol i soim klia piksa olsem wok bilong givim sevis i ken kamap bihainim ol rot bilong lukautim na banisim bus, graun na wara bilong mipela, na bilong gutpela sindaun long bihain taim.



Tripela bikpela draia (klos draia) i stap insait long haus wasim klos bilong PacTow, long het ofis bilong ol.

REDI LONG OL SAMPELA SAMTING WE INO PLANIM: TRENING BILONG HAU LONG LUKAUTIM SPIL BILONG KEMIKAL LONG CONSORT EXPRESS LINES



"LONG CONSORT, MIPELA I WOK STRONG LONG PUTIM SEFTI I GO PAS WANTAIM STRONGPELA KOMITMEN."

Long Consort Express Lines, sefti em i no samting bilong protokol o bihainim nating. Em i wanpela kain tingting. Olgeta de, ol tim bilong mipela i save bungim kain kain ol salens long solwara, na long graun tu, tasol sampela ol dispela birua o hevi i nidim spesol save long redi na bungim.

I no long taim i go pinis, faivpela tim memba i sanap long karimaut Kemikal Spil Rispons Trening long Motukea, givim ol yet save ol i nidim long bungim ol imejensi i ken kamapim hevi long ol pipel na enviaomen o ples wok.

Trening i stat wantaim wanpela asesmen o wok skelim long save long strong bilong tim pastaim long tru tru salens i kamap. Olgeta tuls i stap stret? Yu klia long olgeta save long dispela kain birua? Na moa yet, tim bilong yu i redi long bungim dispela kain salens na daunim? Olgeta ol dispela askim i stretim rot bilong bikpela wok trening i kamap bihainim.

Long taim ol i putin lek long trening graun, tim i stap insait long kain kain ol tru laip birua i ken kamap, na sans long strongim save bilong ol. OL kemikal spil o taim kemikal i kapsait i ken kamap enitaim, na bekim long ol dispela kain birua i nidim moa long teknikal save yu gat. Yu mas stap isi long taim bilong bikpela presa o hevi i wok kamap, gat klia tingting long mekim disisen, na long gat gutpela tim-wok. Ol hap bilong trening long strongim ol komyunikesen strateji i strongim olgeta liklik eksen tim i mekim Ol i yusim stret ol personal protektiv ikwipen (PPE) na taim ol i pinisim trening program, olgeta kain kain risk mitigesen strateji o rot bilong daunim ol kain kain birua i stap pinis long blut.

Antap long strongim ol skills o save, dispela trening em i bikpela samting: strongim pasin risponsibiliti. Consort Express Lines i save wok wantaim bikpela luksave long pasin sefti. I no sefti bilong ol pipel bilong em, tasol bilong ol arapela komyuniti na bilong busgraun na wara bilong yumi. Save gut long hevi bilong ol kemikal birua em bikpela as tingting. Wanpela we i stap long as bilong ol wok bilong daunim ol hevi na kodinet wantaim ol imejensi sevis. Olgeta dril o wok-trening na olgeta kain bekim ol i lainim, na olgeta disisen ol i mekim bihainim tru tru birua i ken kamap.



Long laspela de, senis i stap ples klia. Samting we i bin kirap olsem wanpela wok lainim, i senis na kamapim nupela tingting na luksave. Tim i no moa redi tasol, ol i gat strongpela bilip, save olsem ol i redi long bungim wanem kain salens o birua i kamap. Ol kemikal spil o kapsait i no save kamap olgeta taim, tasol trupela strong bilong ogenaísesen em long save em i gat long bekim taim birua i kamap.

long bekim ol birua gut. Dedikesen bilong tim bilong mipela i soim kalsa bilong Consort na Steamships.

Pasin bilong stap redi oltaim i no samting bilong gatim ol tul bilong mekim wok; em i samting long gat ol rait manmeri, husat i kisim trening long sanap taim ol i mas sanap. Olgeta dispela faivpela manmeri i go bek long wok bilong ol wantaim nupela save na bilip olsem sapos wanpela birua i kamap, Consort i redi. Em bikpela samting!



REDI LONG SAMTING I KEN KAMAP SEFTI EM I BUN BILONG FIUL SPIL DRIL BILONG EASTWEST TRANSPORT

Em i laip bilong mipela.

Yu harim taia i pairap. Olgeta samting i seksek. Tenka i rol i go baksait, paitim wanpela liklik kar i ron i kam. Dispela bikpela fos i paitim liklik kar i go silip long siat bilong en, na fiul i lik i go aut long rot. Ol imejensi alam i krai. I no long taim, EastWest Transport internal imejensi rispons tim i kamap pinis. Ol i sanapim banis raunim hevi na kodinetim ol imejensi sevis.



Dispela i bin luksave long laspela Fiul Spil Drill long EastWest Transport. Trening ii testim strong bilong tim long wok-bekim, wok-kodinesen, na kraisis menesmen taim ol i wok wantaim presa.

Ol dipatmen bilong fiul na HSSEQ i wokung long kamapim dispela trening olgeta kwota. Dispela drill o trening i no nomol wok. Nogat. Em i nupela rot bilong strongim bilip na luksave bilong EastWest long sefti na groim save bilong ol wokmanmeri.

Maski dispela drill em i giaman makim birua tasol. Bekim bilong en i bin tru-tru samting. Ol tim i spid long banisim birua ples. Executive Security System (ESS) woklain i banisim na toksave long ol draiva long ol birua i stap yet. Ol St. John Ambulens wokman i kamap kwik, sekim ol manmeri i stap long hevi, na mekim wok bilong ol long stretim ol sikmanmeri. Long wankain taim, Gerehu Faia Stesin tim i sekim hevi bilong paia, na sanap redi long daunim paia sapos em i kirap long fiul i kapsait. Olgeta liklik eksen o wok ol i mekim i gat as bilong en, i klia, na olgeta i gat wanpela lukluk tasol - em sefti.



“Sefti em i no wanpela wok nating.”



Ol i lukluk long sekim rispons spid o spid long ol i bekim birua, tasol i gat ol arapela samting dispela trening i soim klia. Strongpela komyunikesen i bin wanpela bikpela salens, we i nid long gat gutpela kodinesen namel long ol intenal tim bilong EastWest, na ol ekstenal o ausait risponda sevis lain. Kia luksave long wok bilong wanwan imejensi rispons yunit em bikpela samting long olgeta wanwan tim memba i klia long wok em i mas mekim sapos birua i kamap. Ol dispela samting ol i lainim ol i yusim long strongim ol wok proses bilong ol.

Dispela trening drill i no kamap em yet. Em i kamap olsem wanpela hap bilong bikpela sefti fremwok bihainim stretpela wok pasin olgeta hap long wol i save bihainim. EastWest Transport i go het long inapim olgeta ol intanesenel sefti stendat, wantaim tu ISO 45001 bilong okupesenal o wok helt na sefti, ISO 19001 bilong kwolati menesmen, na ISO 9001 bilong envairomen menesmen. Olgeta dispela stendat i no gaidlain tasol. Ol em ol bikpela astingting we i save stiaim wok bilong EastWest, bai olgeta wokmanmeri bilong ol i wok gut na go bek gut long haus olgeta de.

Long EastWest, sefti em i no wanpela polisi nating. Em i wanpela bikpela wok-luksave. Wantaim olgeta trening drill, olgeta strongim bilong wok, na olgeta skul ol i kisim, kampani i wok long go klostu long inapim ‘Zero Harm’ astingting bilong en.

Taim ol i redi long birua i kamap enitaim, EastWest i no save banisim tasol ol manmeri na ol samting bilong ol. Em i save strongim wok bilong em olsem lida long seif, strongpela wok long Papua Niugini.

Antap long strongpela tingting, wokbung wantaim na wok strongim olgeta taim, tim i sanap redi long wanem kain birua i ken kamap.



STRONGIM SEFT PACIFIC PALMS PROPERTY STRONGIM PASIN BILONG STAP REDI LONG PAIA BIRUA

Ol Poto i kam long Shoshanna Tamari na Benedict Oa

Taim yu smelim smuk, na lukim lait bilong tit bilong paia, yu mas save olsem paia em i ken bruk na kamap bikpela hariap tru, na bai yu nogat taim bilong redim yu yet. Long dispela taim, save bilong yu long wanem samting yu mas mekim, em i ken sevim laip bilong yu. Olsem na Pacific Palms Property i mekim wanpela Besik Paia Ekstingwisa Trening bilong ol wokmanmeri bilong en bai ol i save long wanem samting long mekim long taim bilong imejensi o hevi.

Planti long yumi save ting olsem em bai isi long yumi yusim ol paia ekstingwisa o masin bilong kilim paia. Tasol taim paia tru tru i lait long ai bilong yu, na yu mas kilim dispela paia, bipo we yu ting em bai nomol samting long yu mekim, yu painimaut olsem paia sefti em i wanpela bikpela samting.

Man i go pas long trening em sefti opisa Solomon Maua. Em i tok klia olsem i gat kain kain paia ekstingwisa bilong kilim kain kain paia. Ol wokmanmeri i ai-op nau na luksave olsem paitim na kilim paia i no bai yu yusim ekstingwisa lkong kilim. Yu mas klia na yusim rait wan long kilim rait paia. Ol ilektrikal paia, ol wara i ken lait, na ol arapela samting i save paia i nidim wanwan bekim bilong ol yet. Sapos yu no klia long olgeta kain paia na masin bilong kilim ol, bai yu bringim birua i kam long yu yet.



“Paia em i gutpela wokman, tasol em i no gutpela bosman sapos yu no lukautim gut.”



Taim ol lain i muv long putim olgeta skul ol i kisim long eksen, senis long tingting bilong ol i klia. Wok bilong P.A.S.S teknik, em Pull, Aim, Squeeze na Sweep, i kamap namba tu pasin bilong ol taim olgeta i traim long kilim paia. Sampela i bin tu-bel pastaim, senisim grip na posisen o sanap bilong ol. Tasol olgeta taim ol i traim, bilip bilong ol i gro. Taim ol i pinisim sesen, i nogat moa tu-bel tingting i stap. Olgeta i bilip strong olsem nau ol i redi long banisim ol yet na ol wanwok bilong ol.

Moa yet antap long groim savemak bilong wanwan, dispela trening i strongim bilip na luksave long olgeta i mas redi. Ol birua o imejensi i no save givim toksave, na paia sefti em i no wok bilong wanpela man o meri tasol. Em i wok bilong tim. Trening i givim ol wokmanmeri moa long teknikal save tasol; em i givim wanpela kain pasin bilong bilip na stap redi we bai mobeta long olgeta lain taim tru tru birua i kamap.

Long Pacific Palms Property, sefti em i wanpela strongpela komitmen o bilip. Ol paia dril na ekstingwisa trening em wanpela hap tasol long bikpela sefti pasin na kalsa. Wanpela we i lukim olgeta wokmanmeri i klia long ol hevi, na i redi yet long bekim o daunim. Wantaim pasin bilong trening na redi oltaim, tim i stap long mak bilong givim strongpela bekim long kipim ol pipel na ol samting i stap sef oltaim.

LUKSAVE LONG EKSELENS GRAND PAPUA NA GATEWAY MEKIM NEM LONG WOL



Safe Hotels Certification bilong Grand Papua Hotel na Gateway Hotels & Apartments

Long ol gest, sefti na sekyuriti em ol bikpela samting wankain olsem gutpela ples bilong malolo. Stap long hotel em i no long painim rum na bed long silip tasol. Em i pasin bilong bilip olsem sindaun bilong ol i stap long han bilong ol lain husat i luskave long olgeta nid bilong ol, na husat i ken givim ol gutpela taim na ples bilong malolo. Long Grand Papua na Gateway Hotel and Apartments, dispela komitmen nau i kisim luksave long wol.

Tupela propeti wantaim i winim bikpela SafeHotels Certification o Setifikesen. Dispela em i nambawan mak bilong sefti na sekyuriti bilong ol hotel. Grand Papua em i namba wan hotel long Australasia na Pasifik Ailans long kisim dispela setifikesen, na tu long kisim Premium Status, wanpela level we wanwan ol hotel long wol i winim. Long Gateway Hotel and Apartments, ol i kisim setifikesen bilong ol tu, we i strongim bilip na luksave we Steamships Hospitaliti bisnis i gat long sefti bilong ol gest.

Winim ol dispela luksave i no wanpela isi wok. SafeHotels Certification em i gold stendat long hotel sefti, we i nidim planti bikpela wok asesmen o skelim long kain kain samting, olsem redi long bungim hevi o birua i kamap, i go inap long menesim helt na haijin o klinpela pasin long sevis ol i givim.

Wanpela long faivpela hotel tasol i save kisim dispela kain setifikesen long namba wan taim ol i traim, na i no planti save kisim Premium Status. Tasol tim bilong mipela long Grand Papua Hotel na Gateway Hotel and Apartments i bungim dispela salens wantaim strongpela tingting na luksave olsem tru tru pasin ekselens i wok abrusim mak bilong indastri.

“Mipela i amamas tru long inapim dispela setifikesen long namba wan taim mipela i traim long kisim,” Alan Christie, CEO bilong Steamships Hospitaliti Divisen i tok.

“Dispela i soim bilip na strong bilong ol tim bilong mipela long Grand Papua Hotel na Gateway Hotel and Apartments. Wok bilip bilong ol long dispela ol mun i go pinis i kamap strong.”

Long ol gest, dispela bikpela wok-lukave i minim samting ol i ken lukim na pilim: bel isi na gutpela sindaun. Long taim lek bilong ol i krungutim lobi bilong hotel, ol i ken bel isi olsem olgeta samting i stap stret long givim ol sefti, sekyuriti na gutpela malolo. Long ol klinpela rot bilong mekim samting, i go inap long wol klas krais menesmen plen o plen bilong bungim birua o hevi, olgeta ol dispela hotel i abrusim mak bilong givim sevis na setim nupela mak bilong indastri long Papua Niugini.

Dispela em i stat bilong em tasol Steamships Hospitaliti Divisen nau i makim kos long opim SafeHotels setifikesen long olgeta ol propeti bilong em long Papua Niugini, bai olgeta gest, maski ol i go long wanem kain Coral Sea Hotels propeti, i ken kisim wankain level na stendat bilong sefti na sekyuriti.

Long Steamships, ekselens em i no gol nating, em i komitment o bilip. Na long Grand Papua Hotel na Gateway Hotel and Apartments i go pas, bihain taim bilong hospitaliti long PNG nau i sanap strong moa.

OL PROJEK BILONG MIPELA

STRONGIM SEFTI LIDASIP: STEAMIES PEER LEADERS PROGRAM

Olgeta bikpela muvmen i save stat wantaim wanwan ol manmeri i go pas long ol arapela. Long Steamships, sefti em i no polisi nating. Em i komitmen o wok-bilip i stap long olgeta samting mipela i mekim. Tasol ol polisi tasol i no inap kamap senis; ol pipel i save mekim. Dispela em i fos baksait long Steamies Peer Leaders Program, wanpela nupela program ol i disainim long strongim ol wokmanmeri long mekim wok sefti, na stiaim ol tim bilong ol long kamapim ol strongpela wok ples we sefti em i nambawan samting.

Long kamapim wokples we sefti em i stap long blut i no save kamap ovainait. Em i nidim ol sempion: ol wanwan manmeri long sanap na strongim tingting bilong ol wanwok bilong ol, na go pas long wok bilong strongim sefti olsem bilip bilong olgeta.

Program nau i ron long JV Port Services na East West Transport, tupela long ol bikpela kampani bilong mipela. Hia ol wokmanmeri yet i save nominetim o makim ol wanwok ol i ting ol i ken kamap ol lida. Ol dispela lain i save kisim spesolis trening, we ol i save kisim save long tok strongim sefti. Ol dispela lain bai no inap long strongim ol rul tasol; ol bai kamap ol piksa bilong ol arapela long stretim ol hevi, na ol lain bilong go pas long bekim ol birua. Ol bai makim tingting bilong wok na sapotim ol tim bilong ol long lukim sefti olsem samting bilong blut long taim bilong wok.

Program i save kamapim wok ples we pasin bilong tokaut na tokstret em i bikpela samting long lukautim sindaun bilong ol arapela. Sef wokples bai nonap kamap long hatwok bilong wanpela tasol. Em i save kamap taim olgeta wanwan wokmanmeri i pilim sef long autim ol wari bilong ol, long givim solusen o rot bilong stretim samting, na long gat sans long givim han long kamapim gutpela bihain taim. Ol dispela ol Peer Leaders bai go pas long dispela senis na strongim kalsa we akauntabiliti na timwok i save bung wantaim.

The logo consists of the letters 'SPL' in a bold, yellow, sans-serif font. Below the letters is a thick, horizontal white line. The entire logo is centered within a dark blue square, which is itself surrounded by a thin yellow border.

Antap long sefti, program i save strongim gro. Em i save givim ol wokmanmeri sans long mekim wok lidasip, long stronigm komyunikesen save na wok bilong mekim disisen bai ol i ken strongim ol tim bilong ol na profesenal developmen bilong ol yet. Lida i no save nidim taitol; ol i nidim bilip long kamapim senis, na long dispela program, dispela bilip i kisim sapot long olgeta level.

Steamies Peer Leaders Program i wok long gro na senis yet. Em bai kamapim senis long olgeta kona bilong Steamships grup. Wantaim olgeta wanwan Peer Leader i sanap na mekim wok, mipela muv i go klostu moa long bihain taim we sefti i gat ol strongpela lida. Long wanem pasin bilong strongim sefti kalsa i no save stat long antap i go daunbilo; em i save kamaut long insait long yumi.

BIKPELA WOKMAK BILONG BIHAIN TAIM BILONG PAPUA NIUGINI OPISAL LONSIM BILONG HEBAMO TRANSPORT LIMITED



Long Lephani go Raithan: Nicholas Fisher, CEO bilong Steamships Logistics Divisen; Isikeli Taureka, CEO bilong Laba Holdings Limited; Seri Asi, Dairekta bilong Hebamo Transport Limited; Vele Rupa, Jeneral Menesa bilong Steamships Koporet Afes; ,na Guba Dai, Dairekta bilong Hebamo Transport Limited.

Long Steamships mipela save painim ol nupela rot bilong kamapim gutpela senis long ol komyuniti na indastri mipela i wok long en.

Olsem na mipela i hamamas long opisali lonsim Hebamo Transport Limited (HTL), wanpela stratejik join vensa wantaim Laba Holdings Limited long sapotim Papua LNG Projek. Dispela wokbung i bringim lojistiks save na infrastraksa bilong Steamships na bungim wantaim asples save bilong Laba na kamapim ol gutpela trenspot solution bilong daunstrim konstraksen wok bilong projek.

Kamap bilong HTL i bihainim wanpela yiar long wok-plenim stat wantaim wanpela Memorandum ov Andastending ol i sainim long 2023 Sydney Invesmen Konfrens. Nau taim wok i go het bihain long ol oraitim Seholdas Agrimen, join vensa i sanap olsem 51%-49% patnasip wantaim Laba olsem bikpela seholda. Dispela bai lukim ol lokal lenona o papagraun i gat han long ol ekonomik benefit bilong developim Papua LNG.

HTL bai go pas long muvim projek kago na hevi trenspot, na halivim long strimlainim karim bilong kago na masin bilong mekim wok konstraksen. Nau we projek i go insait long taim bilong bikpela wok, em i nidim gutpela lojistik sevis. Nau mipela i bungim lojistiks save bilong Steamships wantaim komyuniti netwok bilong Laba, Hebamo i sanap redi long mitim ol dispela salens.

Sif Eksektiv Opisa bilong Laba Holdings, Isikeli Taureka i tok-strongim groa bilong join vensa na tok, “Dispela join vensa i no bisnis tasol; em i rot bilong kamapim wok na groim save bilong ol pipel bilong mipela.”

Koporet Afes Jeneral Menesa bilong Steamships, Vele Rupa i sapotim dispela toktok na kolim dispela patnasip “wanpela bikpela wok-mak we i strongim mak bilong mipela long sapotim ol bikpela infrastraksa projek na kamapim lokol konten long saplai sen.”

Nau we Hebamo i mekim wok, em bai sapotim Papua LNG projek na wanem ol bikpela infrastraksa projek long kantri long bihain taim. Dispela patnasip i makim nupela taim bilong wokbung namel long ol indastri lida na ol papagraun bilong strongim ekonomik groa na sastenabel developmen bilong lojistiks sekta bilong PNG.

HSSEQ GRUP HAB NUPELA TAIM BILONG SEFTI LONG STEAMSHIPS

Long Steamships sefti em i moa long wanpela polisi. Em i bikpela wok-pasin na luksave we i ron long olgeta hap bilong bisnis bilong mipela.

Long lojistiks, hospitaliti, na propeti, ol tim bilong mipela i save wok long ol bikpela wok ples, na pasin bilong save long olgeta wok i kamap i ken bikpela samting.

Planti ol wokmanmeri save sekim kain kain ol pletfom long painim ol rait sefti risos, ol trening samting, na ol polisi. Dispela em bikpela salens. Ol bikpela infomesen i stap tasol i no bung long wanpela hap, na dispela i mekim hat moa long stap 'up-to-date' na menesim ol birua long wokples.

HSSEQ tim bilong mipela i luksave long nid long gat gutpela rot long mekim senis na ol i go het long kisim eksen. Solusen o ansa bilong hevi? Em HSSEQ Grup Hab, wanpela platfom long mekim ol sefti risos i stap ples klia long ai bilong olgeta wokmanmeri. Wantaim dispela wok, mipela i strongim komitmen o tok promis bilong mipela long 'Safety First, Safety Always' (Sefti Fes, Sefti Oltaim) na long mekim ol dispela tuls i stap redi long ol wokmanmeri long yusim. Bihainim 2024-2027 strateji bilong mipela, dispela Hab nau i kamap namel ples we ol polisi, trening samting, sefti alet o toksave na bes praktis i kam bung wantaim, bai olgeta wokmanmeri long olgeta level i gat save ol i nidim long stap sef na go pas long ol arapela wanwok.

HSSEQ Grup Hab i senisim luksave long wokples sefti. Ol wokmanmeri nau i ken kisim ol Sefti Flash Apdet, ol trening progreem olsem RiskWare 3 (R3) na Helt na Sefti Lidasip Trening, na Grup-waid Sefti Riwod na Rekognisin Progreem we i save luksave long ol lain husat i mekim bikpela wok long promotim sef wok kalsa. Maski em i stap long ol intenal odit gaitlain, operesenal trening, o komplaiens, olgeta i stap long wanpela namel ples pletfom we i rausim ol bipo banis na kamapim gutpela luksave bilong olgeta tim.

Long as bilong dispela wok em luksave long ol pipel o manmeri. Taim mipela i opim rot long ol sefti risos, mipela i wok strongim kalsa na pasin bilong open komyunikesen, bikpela akauntabiliti luksave, na kolektiv bel-isi na gutpela sindaun taim ol i wokbung long lukautim ol yet na ol wanwok bilong ol.

Wantaim lonsim bilong HSSEQ Grup Hab, Steamships i wokabaut i go het long sefti wokabaut bilong em. Dispela pletfom i makim stret komitmen bilong mipela long strongim ol wokmanmeri na strongim lidasip long sefti na kamapim wanpela wokples we save na pasin bilong stap-redi i go pas. Mipela i askim olgeta lain long sekim dispela Hab na yusim olgeta ol risos i stap long en. I no samting bilong komplaiens tasol; em i samting bilong lukautim yumi yet bai sefti i stap long namel long olgeta samting mipela i mekim.

Skanim QR Kod bilong Go insait long Hub:

Go insait long HSSEQ Group Hub em i isi tasol. Skanim QR kod long han sut na stat long painimaut ol samting. Nogat wari sapos yu stap long opis, long wok ples o wok longwe — dispela platform bai helpim yu long kisim ol bikpela tok bilong sefti long han bilong yu olgeta taim.



KOMYUNITI BILONG MIPELA

WOKABAUT WANTAIM SAKSES: OL DIVINE WORD GRADUET I STAP NAU LONG STEAMSHIPS

Long Steamships, mipela i bilip olsem ol pipel bilong mipela em namba wan bikpela aset bilong mipela, na mipela i amamas long tok welkam long wanpela nupela grup graduet i kam long Divine Word University long tim bilong mipela. Ol dispela lain i wok mekim ol nupela wok na groim save bilong ol long wok lidasip. Ol skul save mak bilong ol na nupela lukluk bai edim veliu long olgeta sekta bilong mipela olsem lojistiks, hospitaliti na propeti. Long dispela edison, mipela bai harim stori bilong ol dispela nupela wokmanmeri taim ol i serim stori bilong ol long joinim na kamap memba bilong Steamships famili.



PATIENCE HAHAMBU, BACHELOR OF ENVIRONMENTAL HEALTH: VALEDICTORIAN NA RESIPIEN BILONG ACADEMIC EXCELLENCE SILVER MEDAL

Patience i wok long kisim ol namba wan step bilong em long koporet wol wantaim bilip. Em i stap nau long fes yiar bilong Graduet Developmen Progreem. Em i wok kisim ekspiriens olsem wanpela Projek Asisten long Pacific Palms Property. Senis long yunivesiti i go long profesenal wok i kam wantaim ol salens. "Yunivesiti i givim mi strongpela faundesen, tasol wok long wokples i nidim ol narapela kain save," em i tok. "Mi wok lainim long menesim taim na spid bilong wokples."

Patience i amamas long wok long ol bikpela projek wantaim wanpela kampani i gat nem long inovesen na groa. "Steamships i givim nupela ples we mi ken wokbung wantaim ol professional na groim save bilong mi," em i tok. Wantaim bekraun long sastenabiliti na projek menesmen, Patience i bel kirap long strongim save bilong em.

FAUSTINE RAWALI, BACHELOR OF BUSINESS (ACCOUNTANCY): RESIPIEN BILONG ACADEMIC EXCELLENCE SILVER MEDAL

Wokabaut lusim yunivesiti na kam stret long professional wol, Faustine i painim planti nupela save olsem Akauns Peiabe Opisa wantaim Coral Sea Hotels (CSH). Senis long yunivesiti i go long wokfos i opim ai bilong Faustine. "Long yunivesiti mi lainim 'wanem samting' em akaunting, CSH i lainim mi long 'how' na 'why'," em i tok. Lukim ol fainensal prinsipal i kamap laip long olgeta de wok bilong bisnis givim em planti nupela save. Faustine i amamas long menesa bilong em na tim bilong em

long bilip long strong bilong em na givim em sans, maski em i nougat wok laip save. Em i amamas long yusim save bilong em long tru tru wok na wok long wanpela gutpela wok ples. Maski em i bungim planti salens long sait bilong strongim pasin komyunikesen, em i skin kirap long lainim nupela samting. Wantaim dispela tingting, Faustine i redi long yusim gut taim bilong em long CSH na gat dispela sans long strongim wok bilong CSH na tu long groim save bilong em yet.





DONITA RETAW, BACHELOR OF MATHEMATICS NA COMPUTING SCIENCE

Donita i wok long amamas long salens bilong senis long skul i go long wanpela wokples.

Aninit long dispela Graduet Developmen Progreem, Donita i wok long kisim eksperiens long Kompyuta Sevises Divisen, we em i wok olsem wanpela IT Teknikal Sapot Analis. "Dispela senis long yunivesiti kam stret long wok em i nupela samting na em i gat salens tu," Donita i tingim na stori. "Em i taim bilong bikpela senis we i givim mi sans long groim pasin na wok-save bilong mi."

Donita i bel kirap tru long sans long kontribut long ol projek long kain kampani olsem Steamships. "Steamships i givim wanpela gutpela ples we mi ken wok wantaim ol profesenal wokmanmeri na strongim save bilong mi," em i tok. Bihainim kalsa bilong kampani bilong timwok na ekselens, Donita i laikim ol teknikal salens we em i ken yusim save bilong em na groim woksava bilong em i go moa yet.

TALITHA PONGI, BACHELOR OF COMMUNICATION ARTS (JOURNALISM)

Em i bin pres na kamaut long yuni. Talitha i bin go insait long namba wan wok bilong em olsem wanpela Maketing Inten wantaim Pacific Palms Property (PPP).

"Dispela senis long yunivesiti i kamap long wok laip bilong mi i ron gut tasol," Talitha i stori. "Maski i gat planti moa samting long lainim, mi amamas long sans bilong gro i stap yet."

Em i redi long yusim save em i kisim long skul long kamapim ol nupela save em i kisim long wok ples long promotim komyunikesen na tim wok.

Wantaim gutpela strongpela tingting, em i redi long bungim olgeta salens na san dispela nupela sapta i givim long em.

Samting we Talitha i lukim na i skin kirap long statim wok bilong en, em gutpela wok ples.

"Ol wokmanmeri i save mekim gut long yu, na olgeta i save redi long halivim yu sapos yu nidim," em i tok. Em i lukluk go het long kontribut long Pacific Palms Property na kisim moa kaikai long wok bilong kampani long sait bilong teamwork na gutpela ples bilong wok.



YVONNE KONOBO, BACHELOR OF BUSINESS (ACCOUNTANCY)

Yvonne i statim nupela sapta long wok laip bilong em aninit long Graduet Developmen Progreem. Nau yet em i mekim fes yiar na rotesen bilong em wantaim Coral Sea Hotels olsem wanpela Akauns Risivabel Opisa, na em i lainim gut wok pinis we em i painim isi long senis long skul i go kamap wok laip. "Dispela senis em wanpela bikpela senis tru," em i tok, we em i givim luksave long wok trutru. "Taim yunivesiti i givim planti straksa, wok ples em i save spid moa. Mi lainim long mekim planti kain wok long wanpela taim, na long redi long senis bihainim laik bilong wok."

Yvonne i amamas long statim wok laip bilong em wantaim Steamships, bihainim sans bilong gro insait long dispela biknem kampani. "Steamships i save givim gutpela ples wok we mi ken lainim samting na strongim save bilong mi na wok long ol kain kain nupela projek," em i tok. Em i lukluk i go het long lainim moa long sait bilog wokbung kalsa, na wok wantaim ol arapela i gat laik long groim save bilong ol.

STEAMSHIPS STRONGIM TOK PROMIS BILONG EM LONG PASIN KALSA NA KOMYUNITI LONG NAMBA 51 HIRI MOALE FESTIVAL



Long Lephan i go Raithan: Mari Kila, MKA Menesa; Henao Heni, Miss Hiri Hanenamo 2024; na Vele Rupa, Jeneral Menesa bilong Steamships Koporet Afes.
***Poto: Solomon Sasala.**

Long Steamships mipela i bilip long pawa bilong kalsa, komyniti na optuniti o sans bilong mekim samting. Dispela yiar mipela bai onaim sapot bilong mipela long strongpela kalsa bilong PNG olsem Gold Sponsa bilong namba 51 Hiri Moale Festival. Wantaim wanpela K100,000 sponsasip, mipela i strongim bilip bilong mipela long strongim ol lain tumbuna bilong mipela taim mipela i selebretim ol strongpela pasin kalsa bilong ol Motu-Koitabu pipel.

Hiri Moale Festival we i kamap long Fonde, Epril 3 inap Sande Epril 6 i no wanpela strongpela selebren long kalsa. Em i stori bilong bipo, i soim strongpela pasin na komyniti spirit. Long givim luksave long ol bipo Hiri Tred ron bilong kanu namel long ol Motu na Galp pipel. Dispela festival i save mekim bikipela wok long lukautim na holim strong kalsa, skulim ol yangpela, givim ol yangpela rot long luksave long kalsa, na long groim save na tingting bilong ol yet.

Long opisal lonsim we i kamap long Trinde, Mas 5, Mis Hiri Hanenamo 2024, Henao Heni, i toktok long samting dispela festival i save givim long ol yangpela meri. “Dispela Hiri Moale Festival em i moa long wanpela kain kalsa selebren. Em i rot bilong ol yangpela meri long strongim tingting bilong ol na soim kalsa bilong ol taim ol i mekim wok bilong halivim komyniti,” Henao i tok.

Steamships i sapotim Hiri Moale Festival stat long 2022 yet. Dispela sapot i no long moni tasol. Em i opim ol nupela rot bilong ol yangpela meri long kisim wok aninit long Hanenamo wok ekspirians program. Dispela program i givim sans long ol yangpela meri i resis long Hiri Hanenamo taitol long kisim gutpela wok save long olgeta ol bisnis bilong Steamships we i ken halivim ol long strongim bihain taim bilong ol.

“Mipela i amamas long sapotim Hiri Moale Festival yet we nau i kamap kona ston bilong longpela pasin poroman mipela i gat wantaim ol Motu-Koitabu pipel. Dispela patnasip i selebretim wankain luksave mipela i gat, na tu, em i makim misin bilong mipela long strongim pasin bilong gro, developmen, na strongim manmeri,” Vele Rupa, Koporet Afes Jeneral Menesa long Steamships i tok.

Mis Heni tok tenkyu long Rupert Bray, bipo Menesing Dairekta bilong Steamships, long kamapim dispela patnasip, na em i salim bikipela tok tenkyu bilong em long Chris Daniels, nau Menesing Dairekta long surukim dispela wokbung i go moa yet.

Steamships i sanap strong yet long komitmen bilong en long banisim na lukautim pasin kalsa na long strongim komyniti. Hiri Moale Festival em i luksave long pawa bilong bilip long kalsa, koporet patnasip, na senis bilong lukautim ol lain bilong bihain taim.

GROIM OL BIHAIN TAIM OL SWIRE SKOLASIP NA WOKABAUT BILONG KISIM STRONG



Menesing Dairekta Chris Daniells na Jeneral Menesa Corporate Affairs Vele Rupa long bung we i kamap long @345 long Pot Mosbi wantaim ol lain i kisim ol skolasip. Ol dispela sumatin i skul long Yunivesiti ov Papua Niugini (UPNG), Pacific Adventist University, na IEA College of TAFE.

Ol Poto na Stori i kam long Hane Toua na Kathryn Vada

Bihain long ol i pinisim Gred 12 na kisim wanpela Haia Skul Setifiket, planti yangpela Papua Niugini manmeri i save laik go long yunivesiti o ol arapela haia edukesen skul long surukim skul bilong ol i go moa yet wantaim wanpela digri long ol spesol fil. Ol i save driman long kamap ol dokta, ol enjina, bisnis menesa, ol akitek, ol loya, na ol arapela professional husat bai kontribut long strongim wokfos bilong Papua Niugini.

Dispela driman i kam klostu moa taim ol i kisim ol leta i tok orait long ol i go long yunivesiti. Tasol planti long ol bai kisim luksave olsem dispela driman bilong ol bai no inap kamap long wanem famili bilong ol i no inap long peim ol skul fi bilong ol pikinini bilong ol.

Long luksave long dispela nid, Swire Philanthropic Fund (SPF) i givim tupela kain skolasip, we i inapim ol sumatin long biahinim skul bilong ol na i nogat hevi bilong tingting na moni. Dispela tupela skolasip we i sta em Swire University Scholarship (SUS) na Taikoo College Scholarship (TCS). Steamships i save makim SPF long menesim ol dispela skolasip.

I kam inap tude, i gat 20 SUS sumatin i skul long kain kain ol andagraduet progem long ol patna yunivesiti, na 5-pela TCS sumatin i skul long kisim Certificate III, Certificate IV, o Diploma pepa long IEA College of TAFE. Ol dispela ol sumatin ol i kisim ol namel long 2004 na 2005 taim ol i opim askim bilong ol Swire Skolasip aplikesen.

Komyuniti Engesmen Tim bilong mipela i mekim sampela ol bung wantaim ol lain i kisim skolasip long Pot Mosbi, Madang na Lae. Ol dispela bung i givim sans long mitim ol sumatin ol yet na lainim moa long stori bilong ol. Ol dispela bung i givim sans long ol sumatin long toktok stret wantaim na serim save na ol salens ol i bungim. Dispela i mekim ol dispela skolasip i kamapim bikpela senis long laip bilong ol.

Dispela em stori bilong Kingsford Keith, wanpela SUS sumatin husat nau i mekim namba tri yiar bilong em long kisim Bachelor of Property Studies long PNG Yunivesiti ov Teknoloji long Lae:

“SUS progem i halivim mi long daunim ol moni salens mi bin gat taim mi traim peim skul fi bilong mi. Dispela moni sapot i halivim mi long yusim eneji bilong mi long skul na profesenal gro bilong mi, na dispela i lukim mi strongim skul bilong mi. Moa long en, dispela skolasip i strongim bilip bilong mi long bihainim ol driman bilong mi. Mi kam long wanpela liklik famili, na skul fi em i bikpela hevi long famili bilong mi, olsem na dispela skolasip i givim mi bikpela bel isi na i larim famili bilong mi long lukluk long ol arapela samting. Long mi yet, em i givim mi sekyuriti na i larim mi long lukluk long stadi bilong mi, na long noken wari tumas long moni hevi bilong skul fi. Dispela sapot i senisim laip bilong mi, na mi na famili bilong mi tok bikpela tenkyu long halivim em i givim.”



Ol skulmak bilong Kingsford i soim klia strong em i givim long skul bilong em. Em i pinisim fes yiar wantaim wanpela GPA inap long 4.41, bihain em i kisim GPA inap long 4.53 long seken yiar, semesta 1 na 4.69 long Semesta 2, we em i kisim GPA inap long 4.14 we i lukim em i stap namel long ol top sumatin long grup bilong em.

Narapela sumatin i skul aninit long SUS long 2024 em Raphaella Noah, husat i mekim namba tri yiar bilong em long wanpela Basela ov Bisnis Stadis long Akaunting long Divine Word University long Madang.

"SUS i rausim bikpela moni-hevi long papamama bilong mi, na i larim mi long skul strong. Em i strongim mi long skul gut na stretim gut mi yet. Skolasip i givim mi strong inap long mi pinisim skul bilong mi. Mi yet mi kam long wanpela hambol bekraun na dispela skolasip i rausim bikpela moni-hevi long famili bilong mi. Em i givim mipela hop na i larim papamama bilong mi long lukluk long sapatim ol driman bilong mi na ol brata susa bilong mi. Long dispela semesta i kam mi dediketim mi yet long skul bilong mi, long stap strong long skul wok na long inapim olgeta gred mi laik kisim long hatwok bilong mi yet."

Ol skul mak bilong Raphaella i soim em i pinisim Yiar 1 wantaim GPA 4.0 na bihain em i go moa yet long Yiar 2 wantaim Semesta 1 GPA inap long 4.5 na Semesta 2 GPA inap long 4.75, na em i pinisim yiar wantaim GPA inap long 4.63. Kumuletiv o bikpela GPA mak bilong en em 4.31, we i lukim em i pinis long top bilong grup bilong em.



Kingsford Keith i redi long go long ples wantaim grup bilong em long kisim ol data long wok bilong makim prais bilong graun o haus long stretpela wok makim prais bilong propati.



"Raphaella Noah (namba 2 long hap kais) wantaim ol wantok skul bilong em long Business Symposium namba 23 long Divine Word University long yia 2024."


Mipela i lukluk tu long wok-mak bilong Jasmine Simbrai, husat i kisim Taikoo College Skolasip long 2024. Dispela i halivim em long pinisim laspela yiar bilong em long kisim wanpela Diploma long Bisnis long IEA College ov TAFE. Bihain long em i pinisim skul bilong em, Jasmine i joinim EastWest Transport long mekim 6-wik wok trening (OJT) progrem, we em i lainim planti samting long wok lojistiks. Em i kisim bikpela save long flit kontrol na wok bilong lukautim ron bilong ol kar.

Jasmine i serim bikpela samting em i lukim na lainim:

"Namba wan hap bilong OJT bilong mi em long wok wantaim operesens tim na lainim ol nupela samting, moa yet long sait bilong ol bikpela kar! Taim mi stat, mi nogat save long ron bilong ol dispela bikpela kar, tasol mi kisim skul kwik long en taim mi wok na mi klia moa long wok bilong mi."

Nau Jasmine i mekim ful-taim wok olsem wanpela Transport Scheduler na i graduate wantaim Diploma bilong em long mun Epril, 2025. Mipela i hamamas long lukim em i gro moa yet long kontribut long gro bilong EastWest Transport.

Wantaim olgeta wanwan skolasip ol i givim, SPF i wok long strongim wok edukesen, na tu, em i wok kamapim ol bihain taim lida bilong Papua New Guinea.



Jasmine taim em i pinisim skul na graduate, na nau olsem ful-taim wokmeri bilong EWT

LUKSAVE LONG 50 YIAR BILONG CONSORT WOKABAUT BILONG YUNITI NA LUKSAVE

Ol Poto na Stori i kam long Julie Yire

Insiat long 50 yiar, Consort Express Lines i mekim wok olsem laiplain bilong bisnis, ol komyuniti na ol famili long Papua Niugini. Nau taim kantri i redi long selebretim namba 50 yiar independence, Operesens Tim long Lae i makim dispela bikpela luksave-mak wantaim spesol projek: givim ol kampani promosenal samting long ol wokmanmeri.



Aileen Malassawa na Julie Yire bipo long givim aut ol marasin laen.

Dispela liklik progreem am Aileen Malassawa, husat em i Fran Kaunta/Maketing Opisa (Komesal - Sels na Maketing), wantaim halivim bilong Julie Yire, wapela Graduet Treni long Ports Operesens divisen.

Tupela i go pas long tilim ol nupela promosen samting we i lukluk long strongim bilip na koneksen namel long ol wokmanmeri taim kampani i kam painim dispela bikpela wok-luksave.

Long namba 4 de bilong mun Mas, ol men opis wokmanmeri i kisim bilong ol. Bihain Yard na Depot tim i kisim long Mas 5. Wanwan wokmanmeri i kisim wanpela ambrela, kalenda, wanpela notbuk na wanpela lanyard i gat spesol golden logo i makim 50 Yiar bilong Consort long givim sevis long PNG.



Aileen i givim samting bilong kampani long wanpela wantok wokman.

Long Aileen na Julie, dispela liklik wok i no samting nating; em i wanpela bikpela taim bilong bungim ol wokmanmeri long karim kampani i go het. “Em i nais tru long lukim ol wanwok i bung na serim ol smail, na bihain ol i go bek. Dispela iven i no long tilim ol kampani samting, em bilong selebretim mipela yet olsem wanpela tim, na biknem bilong bisnis we mipela i wok long en,” Aileen i tok.

Nau ol 50 Anivesari selebresen i kam klostu, na dispela wok i makim kos long wanem samting bai kam. Em i taim bilong lukluk go bek long bipo, luksave long dedikesen na bilip we i bin bildim nem bilong Consort. Em i taim bilong lukluk i go het taim kampani i wokabaut na inapim inovesen na ekselens. Strong bilong Consort i stap wantaim ol wokmanmeri bilong en, na olgeta i sanap antap long histori bilong kampani na bilip long lukluk i go long bihain taim.

BILDIM OL LIDA: OPIM BILONG STEAMSHIPS 2025 GRADUET DEVELOPMEN PROGRAM FREMWOKW



Ol Graduet bihain long ol i pinisim Sesen 1 bilong Certificate IV long Lidasip na Menesmen Trening Program.



Gabriel Junnie, Sinia Asosiet, i mekim wanpela presentesen long GDP fidbek sesen ol i save mekim olgeta mun long @345 Steamships Het Opis.



Ol Graduet Treni na Asosiet wantaim Mandy Davis bihain long tupela de Graduet Lidasip Developmen Program (GLDP) woksop.

Long Steamships, mipela i bilip olsem profesenal ekselens i save kamap bihainim ekspirians, pasin bilong lainim samting, na mentosip o pasin bilong stiaim ol yangpela.

Nupela framework bilong Graduet Developmen Program (GDP) em i wanpela program bilong kamapim ol lida bilong tumora. Em i bringim straksa na luksave long developim ol strongpela yangpela manmeri bai wanwan graduet i sanap redi long inapim gutpela wok long bisnis bilong mipela.

GDP i save op wantaim wanpela bikpela astingting: profesenal gro i no isi. Em i samting bilong hatwok, we i sapotim strong bilong wanwan ol graduet. Long taim ol i joinim Steamships ol graduet i go het long 4-pela yiar wokabaut bilong ol. Dispela wokabaut em long groim ol olsem ol stratejik lida long kain kain ol sekta long Steamships Grup. Dispela program i gat wok-trening na skulim samting, long kamapim ol gutpela, strongpela lida.

Namba wan yiar i makim as-bilip bilong dispela wokabaut. Ol graduet i kam olsem ol wanwan kontributa we ol i balensim ol operesenal wok, wantaim laik bilong lainim nupela samting. Aninit long Setifiket 4 (Certificate IV) long Lidasip na Menesmen, ol graduet i lainim ol fremwok long inapim trening bilong ol.

Dispela yiar i bruk long tupela semesta we i ron long mun Februari i go inap mun Desemba. Insait long dispela taim, wanwan graduet treni bai pinisim tupela rotesen. Dispela i save lukim ol i kisim wok ekspriens na save bilong mekim wok we bai strongim ol long ol salens ol bai bungim long bihain taim.

Long namba 2 yiar, ol graduet i go het long Asosiet level, we developmen bilong ol i go strong moa. Ol rotesen we i save lukim ol i wok long kain kain ol dipatmen, em bilong givim ol luksave long bisnis. Astingting bilong ol dispela rotesen em bikpela samting: long opim tingting bilong ol, strongim save bilong redi long mekim enikain wok, na developim save-mak ol i nidim long wok strong long ol kain kain wok-bisnis.

Long Yiar 3 na Yiar 4, ol i save senis long lukluk long lidasip. Ol graduet nau i go insait long ol bikpela wok olsem ol Kodineta na Sinia Asosiet, we ol bai bungim moa salens we ol i nidim strongpela tingting, projek menesmen na ol wok lidasip. Long dispela taim ol graduet i senis kamap ol bihain lida manmeri bilong Steamships, redi long kisim ol bikpela wok bilong makim kos bilong kampani i go long bihain taim.

Bikpela samting long dispela trensformesen o senis, em komitmen o tok promis bilong mipela long givim bekim long olgeta wok developmen bilong ol graduet treni. Olgeta fotnait ol i save mekim ol kosa sesen. Olgeta mun ol i save givim fidbek o bekim long wok bilong ol. Skokad bilong GDP i gat ol klia mak bilong bihainim gro na mekim klia olgeta wok bilong ol graduet na bisnis wantaim.

Dispela 2025 fremwok i no profesenal developmen program nating; em i wanpela rot bilong strongim ol wokmanmeri, bai ol i ken inapim ol bikpela wok-mak. Bihainim ol dispela wok rotesen, skul ol i kisim na groim save mak bilong ol, mipela i amamas na givim luksave long ol lida bilong yumi long tumora, bai bilip mipela i gat long strongim wok ekselens, bai go yet long ol yiar i kam bihain.



SOIM STRONG SELEBRETIM INTANESANEL WIMENS DE LONG STEAMSHIPS

Intanesenel Wimens De (IWD) em i taim bilong lukluk bek long wok i kamap pinis, luksave long wok i stap yet, na strongim bilip long sapotim jenda ikwaliti o pasin bilong givim wankain luksave long man na meri wantaim. Long Steamships yet, dispela de i givim mipela sans long selebretim na luksave long bikpela kontribusen bilong ol mei long olgeta level bilong ogenaísesen bilong mipela, na long strongim bilip bilong mipela long i mas i gat ikwaliti o wankain luksave. Wantaim 2025 het tok, “Accelerate Action”, singaut long moa esen i mas kamap em i klia: em i taim bilong hariapim ol senis i mas stap long givim inap luksave long ol meri, wankain olsem ol man, bai olgeta i ken sindaun gut.

Taim mipela i selebretim IWD, mipela i no lukluk long planti ol meri we hatwok bilong ol i strongim gro bilong kampani. Long Steamships, jenda ikwaliti em i stap long tok-promis bilong mipela long kamapim gro na inovesen o nupela tingting. Taim mipela i gat wanpela wokfos we ol man na meri i kisim wankain luksave, mipela bai redi long bungim ol salens long bihain taim. Mipela luksave olsem dispela de em i wanpela bikpela samting, na mipela i tok-promis long strongim jenda ikwaliti long olgeta wok long bisnis bilong mipela.

Long kisim moa tingting long dispela de, mipela i askim sampela long ol tim memba bilong mipela long IWD em i minim wanem samting stret. Hia em ol bekim bilong ol:



La'risa Warakai, Coral Sea Hotels

“Intanesenel Wimens De i givim luksave long olgeta meri long wol, na wok ol i save mekim long komyuniti. Het tok: ‘Accelerate Action’ i mekim klia olsem i mas i gat jenda ikwaliti i kamap long strongpela pasin na luksave.”

Jimmy Yawane, Pacific Palms Property

Intanesenel Wimens De i luksave long ol strong, sekrefais, na ol bikpela wok-kamap. Mi amamas long ol meri long laip bilong mi. Het tok ‘Accelerate Action’ i tok i mas i gat moa eksen long sapotim, banisim, na givim luksave long ol meri long olgeta hap long wol.



Angelica Cabiling, Coral Sea Hotels

“Intanesenel Wimens De i selebretim strong bilong meri, ol kontribusen ol i mekim, na ol wok-kamap ol i lukim. Em i save bringim mipela i kam bek long yumi mas strongim ol meri long olgeta hap bilong wol na kamapim jenda ikwaliti long kamapim gutpela bihain taim.”

Wei Leong Chew, Steamships Corporate Head Office

“Intanesenel Wimens De i save tok-strongim ikwaliti, luksave lon wok bilong meri long balensim wok na famili laip. Kontribusen bilong ol meri i save groim ol komyuniti bilong yumi, na ol i masi gat luksave. Het tok: ‘Accelerate Action’ i storngim komitmen bilong yumi long strongim jenda ikwaliti.”



OLSEM NA MIPELA I BIN HAMAMAS LONG OLGETA DIVISEN BILONG MIPELA



SELEBRETIM GRO NA SAKSES GDP GRADUESEN BILONG 2021

Ol Poto i kam long: Oathley Solomon, TwentyFour Media

Long Fraide, namba 31 de bilong mun Janueri 2025, Steamships i selebretim wanpela bikpela wok-kamap - 2021 Graduet Developmen Progam (GDP).

Em i kamap long Marriott Executive Apartments, na em i givim luksave long 4-pela yiar long ol i gro, lainim samting na kisim luksave. Em i taim bilong lukluk i go het taim ol nupela Graduet bilong 2025 i statim wokabaut bilong ol.



Ol lain Graduet bilong 2021, Victor Anthonia (Accounting pathway), Alumita Chan (Management pathway), Heather Taitibe (Management pathway), na Hagara Wariupa (Management pathway), i bin statim GDP wokabaut bilong ol olsem ol nupela graduet i laik lainim samting. Long dispela 4-pela yiar ol i soim strong long wok, stap redi long senis, na dedikesen o wok bilip, na ol i soim klia veliu bilong strongpela lidasip long Steamships. Saksas bilong ol i soim klia hatwok ol i mekim, na komitmen bilong kampani long strongim profesenal developmen.

Ol lida bilong kampani i stap long graduasen na tok-strongim GDP progam long kamapim ol lida bilong bihain.

Nicholas Fisher, CEO bilong Lojistiks Divisen, na Christopher Jacob, Jeneral Menesa bilong Humen Risoses i givim ol strongpela toktok long ol graduet olsem dispela mak long wok-laip bilong ol em i stat bilong nupela wok-laip, wanpela we i gat planti sans long wok lida, inovesen, na mekim kamap samting we bai kamapim gutpela sindaun long bihain taim. Tasol i no bilong lukluk i go bek. Em i taim bilong tok welkam long bihain taim.



Long pastaim, GDP (Graduate Development Program) i kirapim na bringim inap 9-pela nupela intakes – em bikpela increase tru sapos yumi lukluk bek long ol yia bipo we i gat inap 4-pela graduate tasol long wanpela group. Dispela grow i soim strongpela commitment bilong Steamships long helpim ol yangpela talent na wokim rot bilong leadership long bihain taim. Dispela nupela grup i gat ol kiahed manmeri i kam long kain kain pathway, na olgeta i redi pinis long mekim impact insait long Steamships:

- Management Pathway: Julie Yire, Patience Hahambu, Christopher Antipas, and Nathaniel Ovia
- IT Pathway: Rhianna Milindra and Donita Retaw
- Accounting Pathway: Yvonne Konobo, Henslyn Jik, and Natasha Christui



Wanwan long ol dispela lain i bringim eneji, gutpela save-mak na bilip long mekim gut wok. Wokabaut bilong ol i stat nau, na olsem ol arapela i go pas long ol, ol bai bungim ol salens, strongim save bilong ol, na gro long kamap nupela lain ol lida long Steamships.

Nau mipela i tok gutbai long ol graduet bilong 2021 na tok welkam long ol 2025 lain, wanpela samting i strong yet - komitmen o bilip bilong Steamships long strongim bihain taim bilong kantri.

Long ol graduet bilong mipela, bikpela tok amamas na luksave i go long yupela; wokabaut bilong yupela i givim luksave long strong bilong yupela.

Long ol nupela graduet, welkam long Steamships. Mipela i redi long strongim gro bilong yupela. Sapos yumi wokbung wantaim, yumi ken bildim ekselens, lidasip, na sans bilong mekim gutpela wok.



RAUN RAUN NAMBAUT





RAUN RAUN NAMBAUT





KOPORET KALENDA

Janueri

- 02 New Year’s Pablik Holide

Februari

- 26 Nesenel Rimembrens De bilong Leit Grand Chief Sir Michael Somare

Mas

- 08 International Women’s Day
- 18 Global Recycling Day
- 22 World Water Day
- 30 International Day of Zero Waste

Epril

- 03 – 06 Hiri Moale Festival
- 18 Gut Fraide
- 19 Ista Sarere
- 20 Ista Sande
- 21 Ista Mande

Me

- 18 Intanesenel De bilong ol Meri long Maritaim
- 25 Lae JV Golf Trade Day | Consort & Swire Shipping

Jun

- 05 Wol Envairomen De
- 07 Steamies Miks Netbol Tonamen
- 08 Wol Solwara De
- 17 Bonde bilong King
- TBC MDs Town Hall

Julai

- 23 Nesenel Rimembrens De
- 26 Wol Mangro De

Ogas

- 04 Buk Wik
- TBC Hula Kriket Klasik
- 26 Nesenel Ripentens De

Septemba

- 16 Indipendens De
- 21 Zero Emissions Day
- 25 Wol Maritaim De

Octoba

- 04 Steamies 7s Ragbi Tonamen
- 08 Wol Mental Helt De
- TBC Consort 50th Anivesari
- 27 Pinktober Awenes De
- 04 Steamies 7's Ragbi Tonamen

Novemba

- 17 Intanesenel De bilong ol Man
- TBC Famili De Lae & Famili De POM
- 25 MDs Townhall

Desemba

- 25 Krismas De
- 26 Boksing De

OL POLISI

LO BILONG TOKAUT SAPOS

BLO IM WHISTLE LONG RONGPASIN!

RIPOTIM RONGPASIN

Yumi askim yupela olgeta long lukaut gut na tokaut long gutpela bel long ol samting i no stret long ol wokman o wokmeri bilong kampani. No ken pret long lusim wok, bisnis, o pret long bagarap o hevi.

Grup bai holim STRIK KONFIDENSIEL long ol samting yupela ripotim.

WANEM SAMTING I RONGPASIN?

- Pasin bilong stil, giaman, o mekim samting i no stap long lo
- Bagarapim ol Steamships lo o polis
- No gutpela lukaut long ol samting bilong grup
- Pasin i ken mekim bikpela bagarap long helt na sefti
- Pasin i ken mekim bagarap long ples o wara, we i ken kamap olsem kriminol

ROT BILONG RIPOTIM RONGPASIN

- Boss bilong yu stret i mas kisim ripot pastaim
- Sapos yu pret o yu no pilim gut long toktok wantaim boss, na i no gat wok yet long dispela, yu inap tokaut long Steamships Internal Audit (STCIA)
- STCIA bai lukluk gut long dispela samting na wok long painimaut
- Bai givim ripot igo long ol bigman long kampani long stretim gut

RIPOTIM RONGPASIN:


- Boss bilong yu stret i mas kisim ripot pastaim
- Sapos yu pret o yu no pilim gut long toktok wantaim boss, na i no gat wok yet long dispela, yu inap tokaut long Steamships Internal Audit (STCIA)
- STCIA bai lukluk gut long dispela samting na wok long painimaut
- Bai givim ripot igo long ol bigman long kampani long stretim gut

GAT RONG LO BILONG YUSIM SOCIAL MEDIA

WANPELA GUTPELA TOKTOK BILONG LUKSAVE PASTAIM BIPO YU POSTIM

Yumi save olsem social media em i wanpela amamas na gutpela rot bilong tokaut na searim ol tingting wantaim famili, pren na ol wokmeri/man long olgeta hap bilong graun. Tasol, yusim social media i gat ol ris na em i kam wantaim sampela responsibility (wok bilong lukaut).

TOKTOK GUT LONG OL MAN LONG ONLINE



Toktok bilong yu long ol samting i gat toktok wantaim Steamships long ol personal social media account bai i stap aninit long dispela policy. No ken postim ol samting bai bagarapim Steamships, bisnis bilong en, brand, o ol wokman/wokmeri.

KONFIDENSIEL INFOMESEN

No ken tokaut, yusim, o mekim tok long wanpela hap bilong Steamships sekret infomesen. Dispela i go insait long seleni, bisnis plan, sales risalt, ol klien, kontrak, na ol bisnis infomesen.



TOKTOK WANTAIM GUTPELA PASIN NA RESPEK

No ken mekim ol tok olsem Steamships i tok olsem o bihainim tingting bilong yu. No ken yusim nem bilong Steamships long ol personal tingting.



WANEM SAMTING I SOCIAL MEDIA

Social media i makim ol dispela kain samting:

- Ol social network site (olsem Facebook, LinkedIn, Instagram, WhatsApp, TikTok)
- Microblogging site (olsem Twitter, Tumblr)
- Kampani media platform (olsem internal communication)
- Forum na toktok ples (olsem Reddit)
- Video sharing platform (olsem YouTube)
- Save sharing platform (olsem Wikipedia)

Yu gat stori bilong serim?

Mipela lain yusim stori bilong yu long Tok Steamies!

Salim ol stori bilong yu kam (500 wod) wantaim gutpela hai-resolusen poto bilong pablisim.

Sapos yu save long wanpela manmeri yu ting i gat gutpela stori, o yu gat gutpela aidia bilong raitim stori, toksave long mipela o salim email i kam long:

TokSteamies@steamships.com.pg or **mclem@steamships.com.pg**